

## তে লে না পো তা আ বি ঙ্কার

শনি ও মঙ্গলের—মঙ্গলই হবে বোধ হয়—যোগাযোগ হ'লে তেলেনাপোতা আপনারাও একদিন আবিষ্কার করতে পারেন। অর্থাৎ কাজে কর্মে মানুষের ভিড়ে হাঁফিয়ে ওঠার পর যদি হঠাৎ দু-দিনের জন্যে ছুটি পাওয়া যায়—আর যদি কেউ এসে ফুসলানি দেয় যে কোনো এক আশ্চর্য সরোবরে—পৃথিবীর সবচেয়ে সরলতম মাছেরা এখনো তাদের জল-জীবনের প্রথম ব'ড়িশিতে হৃদয়-বিন্দু করবার জন্যে উদগ্রীব হ'য়ে আছে, আর জীবনে কখনো কয়েকটা প'র্দাটি ছাড়া অন্য কিছু জল থেকে টেনে তোলার সৌভাগ্য যদি আপনার না হ'য়ে থাকে, তা হ'লে হঠাৎ একদিন তেলেনাপোতা আপনিও আবিষ্কার করতে পারেন।

তেলেনাপোতা আবিষ্কার করতে হ'লে একদিন বিকেলবেলার পড়ন্ত রোদে জিনিসে মানুষে ঠাসাঠাসি একটা বাসে গিয়ে আপনাকে উঠতে হবে, তারপর রাস্তার ঝাঁকানির সঙ্গে মানুষের গ'দতো খেতে খেতে ভাদ্রের গরমে ঘামে, ধুলোয় চটচটে শরীর নিয়ে ঘন্টা দুয়েক বাদে রাস্তার মাঝখানে নেমে পড়তে হবে আচমকা। সামনে দেখবেন নিচু একটা জলার মতো জায়গার ওপর দিয়ে রাস্তার লম্বা সাঁকো চ'লে গেছে। তারই ওপর দিয়ে বিচিত্র ঘর্ষ'র শব্দ বাসটি চ'লে গিয়ে ওধারে পথের বাঁকে অদৃশ্য হবার পর দেখবেন সূর্য এখনো না ডুবলেও চারিদিক ঘন জংগলে অন্ধকার হ'য়ে এসেছে। কোনোদিকে চেয়ে জনমানব দেখতে পাবেন না। মনে হবে পাখিরাও যেন সভয়ে সে-জায়গা পরিত্যাগ ক'রে চ'লে গেছে। একটা স্যাঁসেতে ভিজে ভ্যাপসা আবহাওয়া টের পাবেন। মনে হবে নীচের জলা থেকে একটা ক্রুর কুণ্ডলিত জলীয় অভি-শাপ ধীরে-ধীরে অদৃশ্য ফণা তুল উঠে আসছে।

বড়ো রাস্তা থেকে নেমে সেই ভিজে জলার কাছেই গিয়ে দাঁড়াতে হবে আপনাকে। সামনে ঘন জংগলের ভেতর দিয়ে মনে হবে একটা কাদা-জলের নালা কে যেন কেটে রেখেছে। সে-নালার মতো রেখাও কিছু দূরে গিয়ে দূ-ধারে বাঁশ-ঝাড় আর বড়ো-বড়ো ঝাঁকড়া গাছের মধ্যে হারিয়ে গেছে।

তেলেনাপোতা আবিষ্কারের জন্যে আরো দু-জন বন্ধু ও সঙ্গী আপনার সঙ্গে থাকা উচিত। তারা হয়তো আপনার মতো ঠিক মৎসালন্ধ্র নয়, তবু এ-অভিযানে তারা এসেছে—কে জানে আর 'কান অভিসন্ধিতে!

তিনজনে মিলে তারপর সামনের নালার দিকে উৎসুকভাবে চেয়ে থাকবেন মাঝে-মাঝে পা ঠুকে মশাদের ঘনিষ্ঠতায় বাধা দেবার চেষ্টা করবেন এবং সপ্রশ্ন দৃষ্টিতে এ ওর মূথের দিকে চাইবেন।

খানিক বাদে পরস্পরের মূথও আর ঘনায়মান অন্ধকারে ভালো ক'রে দেখা যাবে না। মশাদের ঐকতান আরও তীক্ষ্ণ হ'য়ে উঠবে। আবার বড়ো রাস্তায় উঠে ফিরতি কোনো বাসের চেষ্টা করবেন কি না যখন ভাবছেন তখন হঠাৎ সেই কাদা-জলের নালা যেখানে জংগলের মধ্যে হারিয়ে গেছে, সেখান থেকে অপরূপ একটি শ্রুতিবিস্ময়কর আওয়াজ পাবেন। মনে হবে জংগল থেকে কে

যেন অমানুষিক এক কান্না নিংড়ে-নিংড়ে বারু করছে।

সে-শব্দে আপনারা কিন্তু প্রতীক্ষায় চঞ্চল হয়ে উঠবেন। প্রতীক্ষাও আপনারদের ব্যর্থ হবে না। আবছা অন্ধকারে প্রথমে একটি ক্ষীণ আলো দুলতে দেখা যাবে ও তারপর একটি গোরুর গাড়ি জংগলের ভেতর থেকে নালা দিয়ে ধীর মন্থর দোদুল্যমান গতিতে বোরিয়ে আসবে।

যেমন গাড়িটি তেমনি গোরুগুলি—মনে হবে পাতালের কোনো বামনের দেশ থেকে গোরুর গাড়ির এই সংক্ষিপ্ত সংস্করণটি বোরিয়ে এসেছে।

বৃথা বাক্য ব্যয় না করে সেই গোরুর গাড়ির ছই-এর ভেতর তিনজনে কোনোরকমে প্রবেশ করবেন ও তিন জোড়া হাত ও পা এবং তিনটি মাথা নিয়ে স্বল্পতম স্থানে সর্বাধিক বস্তু কিভাবে সংস্থাপিত করা যায় সে-সমস্যার নীমাংসা করবেন।

গোরুর গাড়িটি তারপর যে-পথে এসেছিল, সেই পথে অথবা নালায় ফিরে চলতে শুরুর করবে। বিস্মিত হয়ে দেখবেন, ঘন অন্ধকার অরণ্য যেন সংকীর্ণ একটু সড়ুগের মতো পথ সামনে একটু-একটু করে উন্মোচন করে দিচ্ছে। প্রতি মন্থহর্তে মনে হবে কালো অন্ধকারের দেয়াল বন্ধি অভেদ্য কিন্তু তবু গোরুর গাড়িটি অবিচলিতভাবে ধীর মন্থর গতিতে এগিয়ে যাবে, পায়ে-পায়ে পথ যেন ছাড়িয়ে-ছাড়িয়ে।

কিছুক্ষণ হাত, পা ও মাথার যথোচিত সংস্থান বিপর্যস্ত হবার সম্ভাবনায় বেশ একটু অস্বস্তি বোধ করবেন। বন্ধুদের সঙ্গে ক্ষণে-ক্ষণে অনিচ্ছাকৃত সংঘর্ষ বাধবে, তারপর ধীরে-ধীর বন্ধুতে পারবেন চারিধারের গাঢ় অন্ধকারে চেতনার শেষ অন্তরীপটিও নির্মজ্জিত হয়ে গেছে। মনে হবে পরিচিত পৃথিবীকে দূরে কোথায় ফেলে এসেছেন। অনদ্ভূতিহীন কুয়াশাময় এক জগৎ শুরুর আপনার চারিধারে। সময় সেখানে স্তব্ধ, স্রোতহীন।

সময় স্তব্ধ, সূত্রাং এ-আচ্ছন্নতা কতক্ষণ ধরে যে থাকবে বন্ধুতে পারবেন না। হঠাৎ একসময় উৎকট এক বাদ্য-ঝঙ্কার জেগে উঠে দেখবেন, ছই-এর ভেতর দিয়ে আকাশের তারা দেখা যাচ্ছে এবং গাড়ির গাড়োয়ান থেকে-থেকে সোৎসাহে একটি ক্যানেস্তারা বাজাচ্ছে।

কৌতূহলী হয়ে কারণ জিজ্ঞাসা করলে গাড়োয়ান নিতান্ত নির্বিকারভাবে আপনাকে জানাবে—“এজ্ঞে, ওই শালার বাঘ খেদাতে।”

ব্যাপারটা ভালো করে হৃদয়গম্য করার পর, মাত্র ক্যানেস্তারা-নির্নাদে ব্যাপ্ত-বিতাড়ন সম্ভব কিনা কল্পিত কণ্ঠে এ-প্রশ্ন আপনি উত্থাপন করবার আগেই গাড়োয়ান আপনাকে আশ্বস্ত করবার জন্যে জানাবে যে, বাঘ মানে চিতাবাঘ মাত্র এবং নিতান্ত ক্ষুধার্ত না হলে এই ক্যানেস্তারা-নির্নাদই তারক তফাত রাখবার পক্ষে যথেষ্ট।

মহানগরী থেকে মাত্র ত্রিশ মাইল দূরে ব্যাপ্তসংকুল এরকম স্থানের অস্তিত্ব কি করে সম্ভব আপনি যতক্ষণ চিন্তা করবেন ততক্ষণে গোরুর গাড়ি বিশাল একটি মাঠ পার হয়ে যাবে। আকাশে তখন কক্ষপঙ্কের বিলম্বিত ক্ষীণত চাঁদ বোধ হয় উঠে এসেছে। তারই স্তিমিত আলোয় আবছা বিশাল মৌন সব প্রহরী যেন গাড়ির দূ-পাশ দিয়ে ধীরে-ধীরে সরে যাবে। প্রাচীন অট্টালিকার সসব ধ্বংসাবশেষ—কোথাও একটা থাম, কোথাও একটা দেউড়ির খিলান,

কোথাও কোনো মন্দিরের ভাঙাংশ, মহাকাালের কাছে সাক্ষ্য দেবার ব্যাধি আশায় দাঁড়িয়ে আছে।

ওহ অবস্থায় যতখান সম্ভব মাথা তুলে বসে কেমন একটা শিহরন সারা শরীরে অনুভব করবেন। জীবন্ত পৃথিবী ছাড়িয়ে অতীতের কোনো কুস্ম-টিকিচ্ছন্ন স্মৃতিলোকে এসে পড়েছেন বলে ধারণা হবে।

রাত তখন কত আপান জানেন না, কিন্তু মনে হবে এখানে রাত যেন কখনও ফুরোয় না। নির্বিড় অনাদি অনন্ত স্তম্ভতায় সব-কিছু নিমগ্ন হয়ে আছে;—জাদুঘরের নানা প্রাণিদেহ আরকের মধ্যে যেমন থাকে।

দু-তিনবার মোড় ঘুরে গোরুর গাড়ি এবার এক জায়গায় এসে থামবে। হাত-পাগলুলো নানাস্থান থেকে কোনোরকমে কুড়িয়ে সংগ্রহ করে কাঠের পদতুলের মতো আড়ষ্টভাবে আপনারা একে-একে নামবেন। একটা কটু গন্ধ অনেকক্ষণ ধরেই আপনাদের অভ্যর্থনা করছে। বদ্বতে পারবেন সেটা পদুকুরের পানা-পচা গন্ধ। অর্ধ-ক্ষুদ্র চাঁদের আলোয় তেমন একটি নাতিক্ষুদ্র পদুকুর সামনেই চোখে পড়বে। তারই পাশে বেশ বিশালায়তন একটি জীর্ণ অট্টালিকা, ভাঙা ছাদ, খসে-পড়া দেয়াল ও চক্ষুহীন কোঠরের মতো পাল্লাহীন জানালা নিয়ে চাঁদের বিরুদ্ধে দুর্গ-প্রাকারের মতো দাঁড়িয়ে আছে।

এই ধ্বংসাবশেষেরই একটি অপেক্ষাকৃত বাসযোগ্য ঘরে আপনাদের থাকার ব্যবস্থা করে নিতে হবে। কোথা থেকে গাড়োয়ান একটি ভাঙা লন্ঠন নিয়ে এসে ঘরে বসিয়ে দেবে। সেই সঙ্গে এক কলসি জল। ঘরে ঢুকে বদ্বতে পারবেন বহু যুগ পরে মনুষ্যজাতির প্রতিনিধি হিসাবে আপনারাই সেখানে প্রথম পদার্পণ করেছেন। ঘরের বদ্বল, জঞ্জাল ও ধুলো হয়তো কেউ আগে কখনও পরিষ্কার করার ব্যর্থ চেষ্টা করে গেছে। ঘরের অধিষ্ঠাত্রী আত্মা যে তাতে ক্ষুদ্র, একটি অস্পষ্ট ভ্যাপসা গন্ধ তার প্রমাণ পাবেন। সামান্য চলাফেরায় ছাদ ও দেয়াল থেকে জীর্ণ পলস্তারা সেই রুদ্র আত্মার অভিভাষের মতো থেকে-থেকে আপনাদের ওপর বর্ষিত হবে। দু-তিনটি চামচিকা ঘরের অধিকার নিয়ে আপনাদের সঙ্গে সমস্ত রাত বিবাদ করবে।

তেলেনাপোতা আবিষ্কারের জন্যে আপনার দুটি বন্ধুর একজন পান-রাসিক ও অপরজনের নিদ্রাবিলাসী কুন্ডকর্ণের দোসর হওয়া দরকার। ঘরে পেঁছেই, মেঝের ওপর কোনোরকমে শতরঞ্জির আবরণ পড়তে না পড়তে একজন তার উপর নিজেকে বিস্তৃত করে নাসিকাধ্বনি করতে শুরু করবেন, অপরজন পানপাত্রে নিজেকে নিমজ্জিত করে দেবেন।

রাত বাড়বে। ভাঙা লন্ঠনের কাঁচের চিমনে ক্রমশ গাঢ়ভাবে কালিমালিপ্ত হয়ে ধীরে-ধীরে অন্ধ হয়ে যাবে। কোনো রহস্যময় বেতার-সংকেতে খবর পেয়ে সে-ভগ্নলের সমস্ত সমর্থ সাবালক মশা নবাগতদের অভিনন্দন জানাতে ও তাদের সঙ্গে শোণিত-সম্বন্ধ স্থাপন করতে আসবে। আপনি বিচক্ষণ হলে দেয়ালে ও গায়ে বসবার বিশিষ্ট ভিগ্ন দেখে বদ্ববেন, তারা মশাদের মধ্যে সবচেয়ে বড়ো কুলীন—ম্যালেরিয়া দেবীর অম্বিতীয় বাহন অ্যানোফিলিস। আপনার দুই বন্ধু তখন দুই কারণে অচেতন। ধীরে ধীরে তাই শয্যা পরিত্যাগ করে উঠে দাঁড়াবেন, তারপর গুমোট গরম থেকে একটু পরিষ্কার পাওয়ার জন্যে টর্চটি হাতে নিয়ে ভ্রমপ্রায় সিঁড়ি দিয়ে ছাদে ওঠবার চেষ্টা করবেন।

প্রতিমুহূর্তে কোথাও ইট বা টাল খসে পড়ে ভূপতিত হওয়ার বিপদ আপনাকে নিরস্ত করবার চেষ্টা করবে, তবু কোনো দুর্বীর আকর্ষণে সমস্ত অগ্রাহ্য করে আপান ওপরে না উঠে পারবেন না।

ছাদে গিয়ে দেখবেন, অধিকাংশ জায়গাতে আলিসা ভেঙে ধূলিসাং হয়েছে, ফাটলে-ফাটলে অরণ্যের পশ্চম বাহিনী ষড়যন্ত্রের শিকড় চালায়ে ভেতর থেকে এ-অটালিকার ধ্বংসের কাজ অনেকখানি এঁগিয়ে রেখেছে ; তবু কৃষ্ণপক্ষের ক্ষীণ চাঁদের আলোয় সমস্ত কেমন অপরূপ মোহময় মনে হবে। মনে হবে খানিকক্ষণ চেয়ে থাকলে, এই মৃত্যু-সদৃশী স্তম্ভ মায়াপুরীর কোনো গোপন প্রকোষ্ঠে বিন্দিনী রাজকুমারী সোনার কাঠি রূপার কাঠি পাশে নিয়ে যুগান্তের গাঢ় তন্দ্রায় অচেতন, তা যেন আপনি টের পাবেন। সেই মুহূর্তে অদূরে সংকীর্ণ রাস্তার ওপারে একটি ভগ্নস্তূপ ব'লে যা মনে হয়েছিল তারই একটি জানালার একটি আলোর ক্ষীণ রেখা আপনি হয়তো দেখতে পাবেন। সেই আলোর রেখা আড়াল ক'রে একটি রহস্যময় ছায়ামূর্তি সেখানে এসে দাঁড়াবে। গভীর নিশাথরাত্রী কে যে এই বাতায়নবর্তিনী, কেন যে তার চোখে ঘুম নেই আপনি ভাববার চেষ্টা করবেন, কিন্তু কিছুই বৃষ্ণতে পারবেন না। খানিক বাদে মনে হবে সবই বৃষ্ণ আপনার চোখের ভ্রম। বাতায়ন থেকে সে-ছায়া সরে গেছে, আলোর ক্ষীণ রেখা গেছে মুছে। মনে হবে এই ধ্বংসপুরীর অতল নিদ্রা থেকে একটি স্বপ্নের বৃদবৃদ ক্ষণিকের জন্য জীবনের জগতে ভেসে উঠে আবার মিলিয়ে গেছে।

আপনি আবার সন্তর্পণে নিচে নেমে আসবেন এবং কখন একসময়ে দুই বৃষ্ণুর পাশে একটু জায়গা ক'রে ঘূমিয়ে পড়বেন জানতে পারবেন না।

যখন জেগে উঠবেন তখন অবাক হ'য়ে দেখবেন এই রাত্রির দেশেও সকাল হয়, পাখির কলরবে চারিদিক ভ'রে যায়।

আপনার আসল উদ্দেশ্য আপনি নিশ্চয় বিস্মৃত হবেন না। একসময়ে ষোড়শোপচার আয়োজন নিয়ে মৎস্য-আরাধনার জন্য শ্যাওলা-ঢাকা ভাঙা ঘাটের একটি ধারে ব'সে গুণ্ডিপানায় সবুজ জলের মধ্যে যথোচিত নৈবেদ্য সমেত ব'ড়িশ নামিয়ে দেবেন।

বেলা বাড়বে। ওপারের ঝুঁকে-পড়া একটা বাঁশের ডগা থেকে একটা মাছ-রাঙা পাখি ক্ষণে-ক্ষণে আপনাকে যেন উপহাস করবার জনোই বাতানে রঙের ঝিলিক বৃলিয়ে পুকুরের জলে ঝাঁপিয়ে পড়বে ও সার্থক শিকারের উল্লাসে আবার বাঁশের ডগায় ফিরে গিয়ে দুর্বোধ ভাষায় আপনাকে বিদ্রূপ করবে। আপনাকে সন্তস্ত ক'রে একটা মোটা লম্বা সাপ ভাঙা ঘাটের কোনো ফাটল থেকে বেরিয়ে ধীর অচঞ্চল গতিতে পুকুরটা সাঁতরে পার হ'য়ে ওধারে গিয়ে উঠবে, দুটো ফড়িং পাল্লা দিয়ে পাতলা কাঁচের মতো পাখা নেড়ে আপনার ফাতনাটার ওপর বসবার চেষ্টা করবে ও থেকে-থেকে উদাস ঘৃষ্ণুর ডাকে আপনি আনমনা হ'য়ে যাবেন।

তারপর হঠাৎ জলের শব্দে আপনার চমক ভাঙবে। নিখর জলে ঢেউ উঠেছে, আপনার ছিপের ফাতনা মদ্রমন্দ্রভাবে তাতে দুলছে। ঘাড় ফিরিয়ে দেখবেন একটি মেয়ে পেতালের একটি ঝকঝকে ঘড়ায় পুকুরের পানা ঢেউ দিয়ে সরিয়ে জল ভরছে। মেয়েটির চোখে কৌতূহল আছে কিন্তু গতিবিধিতে

সুলভ্র আড়ম্বৃত্য নেই। সোজাসুর্জি সে আপনার দিকে তাকাবে, আপনার ফাতনা লক্ষ্য করবে, তারপর আবার মূখ ফিরিয়ে ঘড়াটা কোমরে তুলে নেবে।

মেয়েট কোন বয়সের আপনি বুঝতে পারবেন না। তার মুখের শান্ত করুণ গাম্ভীর্য দেখে মনে হবে জীবনের সুদীর্ঘ নির্মম পথ সে পার হয়ে এসেছে, তার ক্ষীণ দীর্ঘ অপমুগ্ধ শরীর দেখলে মনে হবে কৈশোর আতঙ্কম ক'রে যৌবনে উত্তীর্ণ হওয়া তার যেন স্থাগত হ'য়ে আছে।

কলসি নিয়ে চলে যেতে-যেতে ফিরে তাকিয়ে মেয়েটি হঠাৎ বলবে, “ব'সে আছেন কেন? টান দিন।”

সে-কণ্ঠ এমন শান্ত মধুর ও গম্ভীর যে এভাবে আপনা থেকে অপরিচিতের সঙ্গে কথা বলা আপনার মোটেই অস্বাভাবিক ঠেকবে না। শূন্য আকস্মিক চমকের দরুন বিহ্বল হ'য়ে ছিপে টান দিতে আপনি ভুলে যাবেন। তারপর ডুবো-খাওয়া ফাতনা আবার ভেসে ওঠবার পর ছিপ তুলে দেখবেন ব'ড়িশিতে টোপ আর নেই। একটু অপ্রস্তুতভাবে মেয়েটির দিকে আপনাকে একবার তাকাতেই হবে। সেও মূখ ফিরিয়ে শান্ত ধীর পদে ঘাট ছেড়ে চ'লে যাবে, কিন্তু মনে হবে মূখ ফেরাবার চকিত মূহূর্তে একটু যেন দীপ্ত হাসির আভাস সেই শান্ত করুণ মুখে খেলে গেছে।

পুকুরের ঘাটের নির্জনতা আর ভঙ্গ হ'বে না তারপর। ওপারের মাছরাঙাটা আপনাকে লজ্জা দেবার নিষ্ফল চেষ্টা ত্যাগ ক'রে অনেক আগেই উড়ে গেছে। মাছেরা আপনার শক্তি-সামর্থ্য সম্বন্ধে গভীর অবজ্ঞা নিয়েই বোধ হয় আর স্বভাবীয়বার প্রতিযোগিতায় নামতে চাইবে না। খানিক আগের ঘটনাটা আপনার কাছে অবাস্তব ব'লে মনে হবে। এই জনহীন ঘূমের দেশে সত্যি ওরকম মেয়ে কোথাও আছে আপনি বিশ্বাস করতে পারবেন না।

একসময়ে হতাশ হ'য়ে আপনাকে সাজসরঞ্জাম নিয়ে উঠে পড়তে হবে। ফিরে গিয়ে হয়তো দেখবেন আপনার মৎস্যশিকার-নৈপুণ্যের বৃত্তান্ত ইতিমধ্যে কেমন ক'রে আপনার বন্ধুদের কর্ণগোচর হয়েছে। তাদের পরিহাসে ক্ষুব্ধ হ'য়ে এ-কাহিনী কোথায় তারা শুনল, জিজ্ঞাসা ক'রে হয়তো আপনার পান-রসিক বন্ধুর কাছে শুনবেন—“কে আবার বলবে! এইমাত্র যামিনী নিজেই চোখে দেখে এল যে!”

আপনাকে কৌতূহলী হ'য়ে যামিনীর পরিচয় জিজ্ঞাসা করতেই হবে। তখন হয়তো জানতে পারবেন যে, পুকুরঘাটের সেই অবাস্তব করুণনয়না মেয়েটি আপনার পান-রসিক বন্ধুটিরই জ্ঞাতিস্থানীয়। সেই সঙ্গে আরো শুনবেন যে, স্বপ্রাহারিক আহারের ব্যবস্থাটা সৈদিনকার মতো তাদের ওখানেই হয়েছে!

যে-ভগ্নস্তূপে গত রাত্রে ক্ষণিকের জন্যে একটি ছায়ামূর্তি আপনার বিস্ময় উৎপাদন করেছিল, দিনের রুঢ় আলোয় তার শ্রীহীন জীর্ণতা আপনাকে অত্যন্ত পীড়িত করবে। রাত্রির মায়াবরণ স'রে গিয়ে তার নগ্ন ধ্বংসমূর্তি এত কুৎসিত হ'য়ে উঠতে পারে আপনি ভাবতে পারেননি।

এইটিই যামিনীদের বাড়ি জেনে আপনি অবাক হবেন। এই বাড়িরই একটি ঘরে আপনাদের হয়তো আহারের ব্যবস্থা হয়েছে। আয়োজন যৎসামান্য, হয়তো যামিনী নিজেই পরিবেশন করেছে। মেয়েটির অনাবশ্যক লজ্জা বা

আড়ষ্টতা যে নেই আপানি আগেই লক্ষ্য করেছেন, শূন্য কাছে থেকে তার মূখের করুণ গাম্ভীৰ্য আরো বোঁশ ক'রে আপনার চোখে পড়বে। এই পরিত্যক্ত বিস্মৃত জনহীন লোকালয়ের সমস্ত মৌন বেদনা যেন তার মূখে ছায়া ফেলেছে। সব'াঁকছদ্দ দেখেও তার দৃষ্টি যেন গভীর এক ক্রান্তির অতলতায় নিমগ্ন! একদিন যেন সে এই ধ্বংসস্থতুপেই ধীরে-ধীরে বিলীন হ'য়ে যাবে।

আপনাদের পরিবেশন করতে-করতে দ্ব-চারবার তাকে তবু চঞ্চল ও উৰ্শ্বগ্ন হ'য়ে উঠতে আপানি দেখবেন। ওপরতলার কোনো ঘর থেকে ক্ষীণ একটা কণ্ঠ যেন কাকে ডাকছে। যামিনী ব্যস্ত হ'য়ে বাইরে চ'লে যাবে। প্রত্যেকবার ফিরে আসবার সঙ্গে তার মূখে বেদনার ছায়া যেন আরো গভীর হ'য়ে উঠেছে মনে হবে—সেই সঙ্গে কেমন একটা অসহায় অস্থিরতা তার চোখে।

খাওয়া শেষ ক'রে আপনারা তখন একটু বিশ্রাম করতে পারেন। অত্যন্ত স্বিধাভরে কয়েকবার ইতস্তত ক'রে সে যেন শেষে মরিয়া হ'য়ে দরজা থেকে ডাকবে, “একটু শূনে যাও মণিদা।”

মণিদা আপনার সেই পান-রসিক বন্ধু। তিনি দরজার কাছে গিয়ে দাঁড়বার পর যে-আলাপটুকু হবে তা এমন নিশ্চিন্তে নয় যে, আপনারা শূনেতে পাবেন না।

শূন্যবন, যামিনী অত্যন্ত কাতরস্বরে বিপন্নভাবে বলছে, “মা তো কিছদ্দ-তেই শূন্যছেন না। তোমাদের আসার খবর পাওয়া অবধি কি যে অস্থির হ'য়ে উঠেছেন কি বলব।”

মণি একটু বিরক্তির স্বরে বলবে, “ওঃ, সেই খেয়াল এখনো! নিরঞ্জন এসেছে, ভাবছেন বৃদ্ধি?”

“হ্যাঁ, কেবলই বলছেন—সে নিশ্চয় এসেছে। শূন্য লজ্জায় আমার সঙ্গে দেখা করতে পারছে না, আমি জানি। তাকে ডেকে দে। কেন তুই আমার কাছে লুকোচ্ছিস!” কি যে আমি করব ভেবে পাচ্ছি না। অন্ধ হ'য়ে যাবার পর থেকে আজকাল এত অধৈৰ্য বেঁড়েছে যে, কোনো কথা বৃদ্ধোলে বোঝেন না, রেগে মাথা খুঁড়ে এমন কাণ্ড করেন যে তখন ওঁর প্রাণ বাঁচানো দায় হ'য়ে ওঠে!”

“হুঁ, এ তো বড়ো মূর্শকিল দেখছি। চোখ থাকলেও না-হয় দেখিয়ে দিতাম যে যারা এসেছে তাদের কেউ নিরঞ্জন নয়।”

ওপর থেকে দ্ববল অথচ তীক্ষ্ণ ক্রুদ্ধ কণ্ঠের ডাকটা এবার আপনারও শূনেতে পাবেন। যামিনী এবার কাতরকণ্ঠে অনূনয় করবে, “তুমি একবারটি চলো মণিদা, যদি একটু বৃদ্ধিয়ে-সৃদ্ধিয়ে ঠাণ্ডা করতে পারো।”

“আচ্ছা তুই যা, আমি আসছি।”—মণি এবার ঘরে ঢুকে নিজের মনেই বলবে, “এ এক আচ্ছা জ্বালা হয়েছে যা হোক। বৃদ্ধীর হাত পা প'ড়ে গেছে, চোখ নেই, তবু বৃদ্ধী পণ ক'রে ব'সে আছে কিছদ্দতেই মরবে না।”

ব্যাপারটা কি এবার হয়তো জানতে চাইবেন। মণি বিরক্তির স্বরে বলবে, “ব্যাপার আর কি! নিরঞ্জন ব'লে ওঁর দূরসম্পর্কের এক বোনপোর সঙ্গে ছেলেবেলায় যামিনীর সম্বন্ধ উনি ঠিক করেছিলেন। বছর চারেক আগেও সে-ছোকরা এসে ওঁকে ব'লে গেছিল বিদেশের চাকরি থেকে ফিরে এসে ওঁকে মেরেকে সে বিয়ে করবে। সেই থেকে বৃদ্ধী এই অজগর পদুরীর ভেতর ব'সে সেই আশায় দিন গুনছে।”

আপনি নিজে থেকে এবার জিজ্ঞাসা না করে পারবেন না, “নিরঞ্জন কি এখনো বিদেশ থেকে ফেরেন ?”

“আরে সে বিদেশে গেছেল কবে, যে ফিরবে। নেহাত বৃদ্ধি নাছোড়বান্দা বলে তাঁকে এই ধাম্পা দিয়ে গেছেল। অমন ঘন্টেকুড়ুনির মেয়েকে উদ্ধার করতে তার দায় পড়েছে। সে কবে যাবে তা’ করে দাব্য সংসার করছে। কিন্তু সে-কথা ও’কে বলে কে ? বললে বিশ্বাসই করবেন না, আর বিশ্বাস যদি করেন তা হ’লে এখনো তো দম ছুটে অক্লা! কে মিছিমিছি পাতকের ভাগী হবে?”

“যামিনী নিরঞ্জনের কথা জানে?”

“তা আর জানে না! কিন্তু মা-র কাছে বলবার উপায় তো নেই! যাই, কর্মভোগ সেরে আসি!”—বলে মণি সিঁড়ির দিকে পা বাড়াবে।

সেই মূহুর্তে নিজের অজ্ঞাতসারেই আপনাকে হয়তো উঠে দাঁড়াতে হবে। হঠাৎ হয়তো বলে ফেলবেন, “চলো, আমিও যাব।”

“তুমি যাবে!” মণি ফিরে দাঁড়িয়ে সবিস্ময়ে নিঃশব্দে আপনার দিকে তাকাবে।

“হ্যাঁ, কোনো আপত্তি আছে গেলে?”

“না, আপত্তি কিসের!”—বলে বেশ বিমূঢ়ভাবেই মণি আপনাকে পথ দেখিয়ে নিয়ে যাবে।

সংকীর্ণ অন্ধকার ভাঙা সিঁড়ি দিয়ে যে-ঘরটিতে আপনি পৌঁছবেন, মনে হবে, ওপরে নয়, মাটির তলার স্নড়গেই বৃষ্টি তার স্থান। একটিমাত্র জানলা, তাও বন্ধ, বাইরের আলো থেকে এসে প্রথমে আপনার চোখে সবই ঝাপসা ঠেকবে, তারপর টের পাবেন, প্রায় ঘরজোড়া একটি ভাঙা তক্তাপোশে ছিন্ন কন্থাজড়িত একটি শীর্ণ কঙ্কালসার মূর্তি শূন্যে আছে। তক্তাপোশের একপাশে যামিনী পাথরের মূর্তির মতো দাঁড়িয়ে।

আপনাদের পদশব্দ শূন্যে সেই কঙ্কালের মধ্যেও যেন চাঞ্চল্য দেখা দেবে : “কে, নিরঞ্জন এলি ? অভাগী মাসিকে এতদিনে মনে পড়ল, বাবা তুই আসবি বলে প্রাণটা যে আমার কণ্ঠায় এসে আটকে আছে। কিছুর্তেই যে নিশ্চিন্ত হ’য়ে মরতে পারছিলাম না। এবার তো আর অমন করে পালাবি না?”

মণি কি যেন বলতে যাবে, তাকে বাধা দিয়ে আপনি অকস্মাৎ বলবেন, “না মাসিমা, আর পালাব না।”

মুখ না তুলেও মণির বিমূঢ়তা ও আর একটি স্থানগর মতো মেয়ের মুখে স্তম্ভিত বিস্ময় আপনি যেন অনুভব করতে পারবেন। কিন্তু কোনোদিকে তাকাবার অবসর আপনার থাকবে না। দৃষ্টিহীন দুটি চোখের কোটরের দিকে আপনি তখন নিস্পন্দ হ’য়ে রুদ্ধ নিশ্বাসে চেয়ে আছেন। মনে হবে সেই শূন্য কোটরের ভেতর থেকে অন্ধকারের দুটি কালো শিখা বেরিয়ে এসে যেন আপনার সর্বাঙ্গ লেহন করে পরীক্ষা করছে। ক’টি স্তম্ভ মূহুর্ত ধীরে-ধীরে সময়ের সাগরে শিশির-বিন্দুর মতো ঝরে পড়েছে আপনি অনুভব করবেন। তারপর শূন্যে পাবেন, “আমি জানতাম তুই না এসে পারবি না বাবা। তাই তো এমন করে এই প্রেতপারী পাহারা দিয়ে দিন গুন্নিছি।”

বৃষ্টি এতগুলি কথা বলে হাঁফাবেন : চকিতে একবার যামিনীর ওপর দৃষ্টি বৃদ্ধিয়ে নিয়ে আপনার মনে হবে বাইরের কঠিন মতোশের অন্তরালে

তার মধ্যেও কোথায় যেন এক ধারে-ধারে গলে যাচ্ছে—ভাগ্য ও জীবনের।  
বরদ্বন্দ্ব, গভীর হতাশার উপাদানে তাঁর এক সুন্দর শপথের ভিত্তি আলগা  
হ'য়ে যেতে আর বৃষ্টি দেয় নেই।

বৃষ্টি আবার বলবেন, “যামিনীকে নিয়ে তুই সুখী হাঁব বাবা। আমার  
পেটে হয়েছে ব'লে বলছি না, এমন মেয়ে হয় না। শোকে-ভাপে বড়ো হ'য়ে  
মাথার ঠিক নেই, রাতদিন খিটখিট ক'রে মেয়েটাকে যে কত যন্ত্রণা দিই—তা  
কি আমি জানি না। তবু মুখে ওর রা নেই। এই শ্মশানের দেশ—দশটা বাড়ি  
খুঁজলে একটা পুরুষ মেলে না। আমার মতো ঘাটের মড়ারা শুধু ভাঙা ইট  
আঁকড়ে এখানে-সেখানে ধুকছে, এরই মধ্যে একাধারে মেয়ে পুরুষ হ'য়ে  
ও কি না করছে!”

একান্ত ইচ্ছা সত্ত্বেও চোখ তুলে একটিবার তাকাতে আপনার সাহস হবে  
না। আপনার নিজের চোখের জল বৃষ্টি আর গোপন রাখা যাবে না।

বৃষ্টি ছোটো একটি নিশ্বাস ফেলে বলবেন, “যামিনীকে তুই নির্বি তো  
বাবা! তোর শেষ কথা না পেলে আমি ম'রেও শান্তি পাব না।”

ধরা-গলায় আপনি তখন শুধু বলতে পারবেন, “আমি তোমায় কথা  
দিচ্ছি মাসিমা। আমার কথা নড়চড় হবে না।”

তারপর বিকালে আবার গোরুর গাড়ি দরজায় এসে দাঁড়াবে! আপনার।  
তিনজনে একে-একে তাতে উঠবেন। যাবার মুহূর্তে গাড়ির কাছে এসে  
দাঁড়িয়ে আপনার দিকে সেই করুণ দৃষ্টি চোখ খুলে যামিনী শুধু বলবে—  
“আপনার ছিপটিপ যে প'ড়ে রইল!”

আপনি হেসে বলবেন, “থাক না। এবারে পারিনি ব'লে তেলেনাপোতার  
মাছ কি বারবার ফাঁকি দিতে পারবে!”

যামিনী মৃদু ফিরিয়ে নেবে না। ঠোঁট থেকে নয়, মনে হবে, তার চোখের  
ভেতর থেকে মধুর একটি স্নেহের হাসি শরতের শব্দ মেঘের মতো আপনার  
হৃদয়ের দিগন্ত সিন্ধু ক'রে ভেসে যাচ্ছে।

গাড়ি চলবে। কবে এক শো না দেড় শো বছর আগে, প্রথম ম্যালেরিয়ার  
মড়কের এক দুর্বার বন্যা তেলেনাপোতাকে চলমান জীবন্ত জগতের এই  
বিস্মৃতিবিলীন প্রান্তে ভাসিয়ে এনে ফেলে রেখে গিয়েছিল—আপনার বৃষ্টি  
হয়তো সেই আলোচনা করবেন। সেসব কথা ভালো ক'রে আপনার কানে  
যাবে না। গাড়ির সংকীর্ণতা আর আপনাকে পীড়িত করবে না, তার চাকার  
একঘেয়ে কাঁদনি আর আপনার কাছে কর্কশ লাগবে না। আপনি শুধু নিজের  
হৃদয়স্পন্দনে একটি কথাই বারবার ধ্বনিত হচ্ছে, শুনবেন—“ফিরে আসব,  
ফিরে আসব।”

মহানগরের জনাকীর্ণ আলোকোজ্জ্বল রাজপথে যখন এসে পৌঁছবেন  
তখনও আপনার মনে তেলেনাপোতার স্মৃতি সুন্দর অথচ অতি অন্তরঙ্গ  
একটি তারার মতো উজ্জ্বল হ'য়ে আছে। ছোটোখাটো বাধা-বিভীষিত ক'টি  
দিন কেটে যাবে। মনের আকাশে একটু ক'রে ক্লান্তি জন্মে কিনা আপনি  
টের পাবেন না। তারপর বৈশিষ্ট্য সমস্ত বাধা অপসারিত ক'রে তেলেনাপোতার  
ফিরে যাবার জন্যে আপনি প্রস্তুত হবেন সেদিন হঠাৎ মাথার যন্ত্রণায় ও কম্প  
দেওয়া শীতে, লেপ তৈরীক মন্ডি দিয়ে আপনাকে শান্ত হবে। থার্মিটারের



পারা জানাবে এক শত পাঁচ ডিগ্রি, ডাক্তার এসে বলবে, “ম্যালেরিয়াটি কোথা থেকে বাগালেন?” আপনি শুনতে-শুনতে জ্বরের ঘোরে আচ্ছন্ন হ’য়ে যাবেন।

বহুদিন বাদে অত্যন্ত দুর্বল শরীর নিয়ে যখন বাইরের আলো-হাওয়ায় কম্পিত পদে এসে বসবেন, তখন দেখবেন নিজের অজ্ঞাতসারে দেহ ও মনের অনেক খোয়া-মোছা ইতিমধ্যে হ’য়ে গেছে। অস্ত-যাওয়া তারার মতো তেলেনাপোতার স্মৃতি আপনার কাছে ঝাপসা একটা স্বপ্ন ব’লে মনে হবে। মনে হবে তেলেনাপোতা ব’লে কোথাও কিছু সত্য নেই। গম্ভীর কঠিন যার মুখ আর দৃষ্টি যার সদৃশ ও করুণ, ধ্বংসপূরীর ছায়ার মতো সেই মেয়েটি হয়তো আপনার কোনো দুর্বল মূহূর্তের অবাস্তব কুয়াশাময় কল্পনা মাত্র।

একবার ক্ষণিকের জন্যে আবিষ্কৃত হ’য়ে তেলেনাপোতা আবার চিরন্তন রাত্রির অতলতায় নিমগ্ন হ’য়ে যাবে।